


C40-45-14



楞嚴玄義叙

夫契經文心不易標指也唯智者大

師發旋陀羅尼起導法華具演

十妙結是教網無不炳著詳悉稱玄

義之然而心觀大部全體法華十妙

是知教觀殊表理無二轍也



C40
4514
(21)

B 64853



大覺世尊於佛頂又揭摠持所示
境觀有懸契焉但是曲後入真丹未
經判釋時味偏固莫知道從我百
松和尚嘗拈百問百答之漸終慨
洞達釣三環而聽又云樂也泰足燈
兮不直世忤作楞嚴去系四卷豈助

摠持夙夜顧見之意耶抑竟先師窈
詰沉疑之意耶燈之偕不慧片三昧愜
灑於卷荷根得入流地故于言義三觀
十乘玄理行證無不究竟而委示之即
雲山大蘇相共首肯不慧篇端附之夫
筆墨不間庠序之巧乎然豈是昔多

聞派亞阮晴、真拔量萬、以排莊心爲
在智值登伽、爲樂境觸目教觀多懷
輝感必來、說爲可憐、愁者即浮諂
至浩且素、何予言、物多之何

萬曆丁酉春季沙門傳如書於西溪

三九沙憺室



大佛頂首楞嚴經玄義卷第一 并序

天台山幽溪沙門 傳燈 述

夫大佛頂首楞嚴之爲法也去來惟一生成恒如
性七大而互周妙三科而等入真空真色因緣自
然之四計圓離性色性空俗有真無之二偏絕寄
方乎寶鑑類彼摩尼三諦之濟濟像歸十界之穠
穠珍雨爲衆妙之靈府爲萬善之玄基宥兮廓兮
不可名而強名如來藏希兮夷兮無得稱而寓稱
常住心慨衆生之性倒也昧斯一理融通局彼知
見殊異或塗空而割有錯亂乎修習之門或賤邊

而貴中肯綮於僧祇之切在凡夫則計內計外在
外道則執斷執常類皆以真知爲妄知如迷頭而
逐影以妄見爲真見似棄海而認漚如來說爲可
憐愍者此大佛頂首楞嚴經之所以說也此經唯
宣勝義獨被圓機剖常心於生滅之中指駛流爲
謐水會藏性於色空之內鏡額瘡爲髻珠酬諸佛
菩提達道陰入處界本如來藏而體之即神詰娑
婆圓通本根理智根塵諸生滅法而亡之俱寂舉
要言之聞思修而皆妙戒定慧以俱圓正與助而
並顯顯與密而雙運歷因果始終之階級泰風送

逝川之舟摧生死見愛之波旬剝歐銷隣虛之雪
信所謂方等實相之真詮大事因緣之先容也聲
聞在昔教行於今後五百年均一佛日爾時祇桓
精舍既有妙悟阿難此國摩訶支那寧無宿根上
士第爲經文語活佛旨意玄解者唯緝綱而秘於
網學者舉棄綱而投諸網矣故有窮年教苑研幾
而莫得融道矧彼畢世禪關索隱而能之解脫者
乎燈獲瞻秘誥聽學有年譬入海而筭砂徒顛眩
而自困既而掩卷思義置解尋經無讀台宗乃有
餘地非唯悟楞嚴爲法華之要網抑以見智者慳

如來之本心談藏性則冥符性具之宗說止觀則暗合大定之旨乃至懸判地位預防陰魔一切名言靡不殫契噫王泉慈靈幾千萬言人無證者佛隴西望數十餘載蓋有以焉今輒秉斯義海仰踞經王以佛心印佛心不亦培膏助明印楞嚴釋楞嚴孰謂以水醱乳徵文立義略擬懸談學慙踈野而詞愧不文言肆支離而義乖或當勒爲四卷質諸同志匪圖取捷於龍門聊託逸塵於驥尾云耳將釋此經玄義五重初釋名二辨體三明宗四論用五教相就此五章大分爲二初總釋二別釋總

三反本原義者一

三二

釋又二初生起二簡別生起者光明玄義云此娑婆國土以音聲爲佛事或從善知識所聞名或從經卷中聞名故名在初以聞名故次識法體體顯次行行即是宗宗成則有力力即是用用能益物益物故教他聞名是自行之始施教是化他之終有始有卒者其唯聖人乎五章生起次第如此次簡別者簡是料簡問若略則唯一若廣則無量今此五章進不是廣退不是略何故五耶答非略非廣非略故不一非廣故不多廣則令智退略則義不周我今處中說今義易明了五章中當其義如

三反本原義者一

三二

此別者分別也前一章總三法共爲名次三章派
三法以爲別後一章無總別而明教相也又顯體
一章明理餘四章明事又前三章是因後二章是
果又前四章是行後一章是教又前四章是自利
行後一章是利他行又前四章是聖默然後一章
是聖說法如此等種種分別料簡云云二別釋者
別釋五章也先解釋名章爲二初詳定經題二解
釋經題初詳定者若依經中如來答文殊問名其
稱有五一日大佛頂悉怛多般怛囉無上寶印十
方如來清淨海眼一日救護親因度脫阿難及此

會中性比丘尼得菩提心入徧知海一日如來密
因脩證了義一日大方廣妙蓮華王十方佛母陀
羅尼咒一日灌頂章句諸菩薩萬行首楞嚴今譯
人標題則存三隱二所謂以約該博也蓋如來立
名之意必隨所詮而設一經大旨不出體宗力用
今五名中初云大佛頂悉怛多般怛囉無上寶印
十方如來清淨海眼此兩從體德功用而立稱也
亦名救護親因度脫阿難及此會中性比丘尼得
菩提心入徧知海此單從功德而立稱也亦名如
來密因脩證了義此單從宗要而立稱也亦名大

方廣妙蓮華王十方佛母陀羅尼呪此內從體德
宗要而立稱也亦名灌頂章句諸菩薩萬行首楞
嚴此單從宗要而立稱也夫宗要者一經之主也
體德者宗要之所歸也功德者宗要歸體之所自
至者也功德自至雖緩而弗舉亦未爲過惟體德
宗要不可偏廢故今於體德舉其要而標之曰大
佛頂雖三字之少已能囊括衆德矣何則蓋大佛
頂者三德秘藏之異稱也如大以法身當體得名
佛以般若普覆爲義頂以解脫無染立稱即悉怛
多般怛囉之大白傘蓋也此大佛頂楷定諸法無

諸魔事卽一實相之無上寶印也此大佛頂廣大
圓滿軌持萬法居染不汙自在稱尊卽大方廣妙
蓮華王也此大佛頂遮一切惡持一切善出生十
方諸佛卽十方佛母陀羅尼也若灌頂章句則出
此經流出之所自以密語言之亦不出乎密因二
字蓋密有微密之密密之密故也此蓋譯入善
巧撮略有方只此一十九字略舉體德備取宗要
檀五名之稱謂召一經之旨歸故云大佛頂如來
密因脩證了義諸菩薩萬行首楞嚴第二解釋經
題又爲二初通別合釋次通別各釋初義者光明

玄義云夫教有通別依教明行行有通別從行顯
理理有通別且置行理但明教通別者夫理無名
字名字顯理如虛空無丈尺丈尺約虛空天王般
若云總持無文字文字顯總持若從能顯之文字
是名則通若從能顯之所以此名則別云何爲通
如聖所說一經一時一處一部一偈一句一言皆
是文字從此文字通稱爲經云何爲別別則有四
一今世諦不亂歡心悅耳二逗化所宜問發宿善
三對其業障令惡滅罪除四點示道理霍然妙悟
悅宜對悟各各所以其致不同稱之爲別譬如擲

梅和合成種種滋味組織縱橫成種種文繡從別
所以故有大佛頂等一十九字標今教異於諸教
從通文言故有經之一字衆經通稱也今經通別
合標故云大佛頂云云次通別各釋爲二先釋別
次釋通釋別又二先定名次解釋定名者今家釋
諸經別名別相最多取要立名不出三種謂人法
譬於此三中復有單三複三并具足一以成七別
今於七名之中而定此經當複三中人法爲名也
於人法中各有因果大佛頂果法也如來果人也
密因萬行因法也諸菩薩因人也脩證了義首楞

嚴則該因該果此經因果人法合標故云大佛頂
云次解釋爲二初解大佛頂等十六字次解首
楞嚴初中大佛頂如來密因脩證者夫密有微密
之密祕密之密今此密因義該二種一是當機所
請妙奢摩他三摩禪那舉一即三言三即一故稱
爲妙妙即密也以此爲因故稱密因一是如來所
宣神呪諸佛密言人莫能測故稱爲密今行人持
此以登聖果故稱密因然顯密之行雖殊而所依
之理同如來藏又必顯密雙脩方能證入果位故
以一名而召兩行矣謂之如來密因者在顯言之

所謂此奢摩他等是十方如來得成菩提者在
密言之所謂此悉怛多般怛囉十方如來因此持
此得成正覺者也謂之大佛頂如來者此指宣說
神呪之化佛也是世尊頂放百寶無畏光明之所
化者故曰大佛頂如來佛稱爲大者梵云摩訶也
古人或云不可翻以含大多勝三義故故釋論云
梵云摩訶謂大多勝爲此方文字義無兼含故不
可翻今題中單翻大者由此方大字字雖不含義
實該博如老子云域中有四大而王處一焉所謂
道大天大地大亦大然王者人耳而所以與天

地北大者誠出道致中和得其勝位天地位而萬物育也致中和而天地位此同天地爲大也萬物均育此以多爲大也又得其勝位此以勝爲大也又如世人稱父母長上爲大人此亦勝爲大也沙門稱多衆爲大衆此亦多爲大也是則此方大字義亦多含雖以單翻理無所失今先約梵音兼含以釋大佛次約明言當體以釋大佛初兼含釋者釋論云摩訶含大多勝者大取包廣多取含攝勝取秀出章安云法身法界遍一切處是廣大義報身智境照發相應不可窮盡是含攝義應身自在

無能過絕是勝出義是則法報應三俱稱大佛今若唯約應佛之勝而釋此藏通之大佛也唯約報身之多而釋此別教之大佛也唯約法身之大而釋此圓教之大佛也此所說經既是圓經能說教主合是圓佛雖是圓佛據現跡觀乃屬應身但此應身其來有本其本者何所謂法報是全此法報所垂之應只應身即是法報故華嚴云清淨妙法身湛然應一切天台云水銀和真金能塗諸色像功德和法身處處應現往故知未嘗有法報而不垂應身亦未嘗有應身而不即法報但隨機見不

同或勝劣之差降耳今經當機乃用業識而見則佛依中理而應依中而現豈不即法即報者耶故經述偈讚云妙湛總持不動尊妙湛讚真諦即報身也總持讚俗諦即應身也不動讚中道即法身也蓋由當機妙悟洞見法源故形言於口稱性而讚今題目是總豈不以總而貫於別是故此之大佛須約三義而釋即法大報多應勝也言法大者所謂大取包廣法身法界遍一切處是廣大義普賢觀經云毘盧遮那遍一切處此經云空生大覺中如海一漚發即法大義也報多者所謂多

取含攝報身智境照發相應不可窮盡是含攝義經云我以不滅不生合如來藏而如來藏唯妙覺明圓照法界是故於中一爲無量無量爲一小中現大大中現小乃至非心非空等即報身不可窮盡義也應勝者所謂勝取秀出應身自在無能遏絕是勝出義經云不動道場遍十方界身含十方無盡虛空於一毛端現寶王刹坐微塵裏轉大法輪即應身自在無能遏絕義也此以三字對釋三身如此若以三字共釋一身者則法身不唯大亦多亦勝報身不唯多亦勝亦大應身不唯勝亦多

亦大法身三者大義如前法多者法身具足諸法
非如大虛迥無一物故觀經云毘盧遮那徧一切
處一切諸法無非佛法此經云陰入處界本如來
藏性色真空等清淨本然周徧法界即法身含攝
多義也法勝者此之法身如彼圓伊當上一點寂
尊無上爲報應二脩所歸故天台云如衆星之環
北辰萬流之宗東海即法身秀出勝義也報身三
者報智旣與法性相應相冥法身遍一切處報身
亦遍一切處故般若云佛說非身是名大身即報
身廣博義也報多準前又報智以法門爲身所謂

第一義爲髻八萬陀羅尼爲髮無漏爲鼻等云云
亦報身含攝多義也報勝者前之法身雖名爲勝
乃素法身未有莊嚴今之報智莊嚴法身功德巍巍
斯名爲勝如家有寶藏不探似人人孰知勝要
須耘除糞穢掘出金藏五慾自恣人乃稱歎此大
富人大勝人矣又報智即法法身勝故報身亦勝
即報身秀出勝義也應身三者如無量壽佛應極
樂國高六十萬億那由他由旬淨華宿王智佛應
淨光莊嚴國高六百八十萬由旬釋迦世尊應東
方莊嚴國別號照明莊嚴自在王佛佛身高大壽

命長遠等即應身廣大義也應多者此經云一中無量無量中一稱性而應隨機而見何可數量即應身含攝多義也應勝準前又如云天上天下唯吾獨尊等即應身秀出勝義也又應即法報法報大應亦大乃至法報勝應亦勝此則舉一即三言三即一不縱不橫微妙寂絕故稱大佛約梵音兼含釋竟更約明言當體釋者夫佛乃萬德之都名大是衆實之美稱豈得以區區一義局彼太虛今尋天台成義復用十種果德釋之雖秬十法而佛之萬德亦包括殆盡言十法者所謂一理大二誓

願大三莊嚴大四智斷大五遍智大六道大七用大八權實大九利益大十無住大一理大者所謂究竟三德秘藏一切佛法故一切佛法即性具十法界陰入處界等也三德秘藏即如來藏性色真空性空真色等清淨本然周徧法界也此三德一切佛法唯佛與佛乃能究盡故經云我以不滅不生合如來藏而如來藏俱非俱即等故理天也二誓願大者所謂究竟圓滿三種菩提無緣慈悲無作私誓普覆法界故經云入於如來妙莊嚴海圓滿菩提歸無所得妙莊嚴海是福究竟即方便菩

提亦是生緣慈悲圓滿菩提是智究竟即實智菩提亦是法緣慈悲歸無所得是理究竟即真性菩提亦是無緣慈悲又當機讚佛云大雄大力大慈悲故誓願大也三莊嚴大者所謂究竟不可思議解脫首楞嚴寂照大定成就一切萬行諸波羅密故經云塵銷覺圓淨寂照含虛空又云等覺圓明入於如來妙莊嚴海經初云有三菩提具足萬行故莊嚴大也四智斷大者所謂菩提涅槃究竟圓斷法界無明生死故經云覺迷迷滅覺不生迷喻云譬如金鑛雜於精金其金一純更不成雜如木

成灰不重爲木諸佛如來菩提涅槃亦復如是故智斷大也五徧知大者所謂究竟五眼圓見法界三諦如風於空中一切無障礙故經云我以不滅不生合如來藏而如來藏唯妙覺明圓照法界又云如我按指海印發光故徧知大也六道大者所謂究竟圓入一切法門以二十五王三昧冥益衆生故經云摩登婁女無心修行神力冥資速證無學故道大也七用大者所謂究竟身口意業能顯一切神通謂三輪不思議化彌滿法界顯益衆生故經云一中無量無量中一小中現大大中現小

不動道場遍十方界身含十方無盡虛空於一毛
端現寶王剎坐微塵裏轉大法輪故用大也八權
實大者所謂究竟一切權實之法能爲實施權開
權顯實令諸衆生入一乘道故經云我以妙明合
如來藏十界三諦俱非此以實智究盡諸法之實
也十界三諦俱即此以權智究盡諸法之權也離
即離非是即非即此權實泯合也又云今汝會中
定性聲聞及一切未得二空回向上乘阿羅漢等
皆獲一乘寂滅場地故權實大也九利益大者所
謂究竟嚴淨一切佛土能以一切世出世法利益

衆生故故此經能令發伽證於四果當機頓獲法
身及今普會獲本妙心常住不滅又選圓通竟普
會大衆凡有十恒河沙皆得本心遠離塵垢獲法
眼淨無量衆生皆發無等等三菩提心祇此一會
利益尚爾况餘經餘處耶故利益大也十無住大
者一切究竟不住究竟一切圓滿無圓滿故經云
入於如來妙莊嚴海圓滿菩提歸無所得故無住
大也第一還是法身大多勝二三四五并第十還
是報身大多勝七八九還是應身大多勝三身不
縱不橫復見于此是則兼含及以當體皆不出三

身之義三身乃十種三法之一三法體通舉一綱
目而九種三法隨來矣蓋由三德具足諸法聚集
名爲三身若此三德尊重即是三寶三德不生不
滅即是三涅槃三德運載負荷即是三大乘三德
不可異趣名三菩提三德覺了清淨名三般若三
德是如來種名三佛性三德分別不謬是名三識
三德即事通理名爲三道大則十種三法俱大多
則十種三法俱多勝則十種三法俱勝不並不別
故稱大佛經云我以不滅不生合如來藏十界三
諦若以意會十種三法文義俱成言大佛頂者世

尊肉髻無見頂相也頂門爲無上果亦表第一義
諦如來者大佛頂放百寶無畏光明出生千葉寶
蓮有佛化身結跏趺坐宣說神呪之化佛故曰大
佛頂如來夫頂居大佛之首佛從頂光而化顯此
如來彌爲玄極故如來自云斯是如來無見頂相
無爲心佛惟三身玄極故有此頂有此頂相故能
於中放光現佛有此心佛故能宣說心呪有此心
呪故能使惡呪銷滅熾心頓除神力宜資速證無
學乃至能令十方如來因此執此等得成正覺降
魔轉法輪授記付法等事蓋此神呪乃融即三身

大佛所證秘藏之理全呪是佛全佛是呪一如無
二如者也如來證此故能懾魔阿難迷此是以遭
難至此方挹流尋源聞香討根乃以首楞大定爲
請蓋大佛三身實由妙奢摩他等所剋故經請云
十方如來得成菩提妙奢摩他三摩禪那而經題
亦因之而召爲大佛頂如來密因矣釋此密因爲
二初顯次密顯復爲三初定名次定體三正釋定
名者此奢摩他等三名昔資中洸師唯以天台三
觀而解彼云準圓覺經奢摩他以寂靜爲相三摩
提以幻化爲相禪那俱離寂靜爲相此大意與一

心三觀相應寂靜相即空觀也幻化相即假觀也
俱離相即中觀也孤山圓師唯以天台三止而釋
蓋準涅槃經中奢摩他此云止毘婆舍那此云觀
優畢又此云止觀等今經三名旣與涅槃一同二
異乃於彼奢摩他中開出三義爲奢摩他三摩禪
那也而雲間師乃評之云今觀二師之釋孤山所
得多矣且如圓覺三法經中亦名爲定如彼經云
爾時便有二十五種清淨定輪云云又偈云辨音
汝當知一切諸菩薩無礙清淨慧皆從禪定生所
謂奢摩他三摩提禪那是知彼圓覺尚可直作三

止而釋况今經乎矧涅槃顯以奢摩他當定又圓
覺三摩名等持禪那名靜慮並是定法名義三止
消文復何疑乎今詳雲間所評引圓覺證成今名
可作定釋則孤山以三止消文所得果多蓋雖定
體融通止即是觀而所主之者須從於別如吳興
所謂阿難既以多聞小慧自咎正以楞嚴大定爲
請也二定體者前之定名欲從所主故偏以定稱
若三止之體體無所局故孤山亦會通云此之三
止即是三觀以即照而寂即寂而照故奢摩他即
空觀三摩即假觀禪那即中觀所以天如會解引

孤山三止已乃云今復釋而明之奢摩他寂靜之
義也三摩觀照之義也禪那寂照不二之義也此
蓋復出孤山會通之義耳况經云是種種地皆以
奢摩他中毘婆舍那清淨修證又云此是過去先
佛世尊奢摩他中毘婆舍那云據此文則不唯
此定止觀融通彌顯孤山三止消文當於經旨以
云奢摩他中毘婆舍那故第三正釋者約前會通
之義雙明止觀也涅槃經中三名奢摩他此云止
毘婆舍那此云觀優畢又此云止觀等今經三名
雖與一同二異後文既云奢摩他中毘婆舍那故

須雙約止觀而釋於止觀中各開三義謂體真止
方便隨緣止息二邊分別止從假入空觀從空入
假觀從空假入中道觀今抄止觀成文以明斯義
初釋止觀名次釋止觀體初釋名者大師云止觀
各有三義止三者息義停義對不止止義息義者
諸惡覺觀妄念思想寂然休息淨名曰何謂攀緣
謂緣三界何謂息攀緣謂心無所得此就所破得
名是止息義停義者緣心諦理繫念現前停止不
動仁王云入理般若若名爲住小品云以不住法住
般若波羅密中此就能止得名是停止義對不止

以明止者語雖通上意則殊何者上兩止對生
死之流動約涅槃論止息心行理外約般若論停
止此約智斷通論相待今別約諦理論相待無明
即法性法性即無明無明亦非非不止而與無
明爲不止法性亦非非不止而與法性爲止此
待無明之不止而與法性爲止如經云法性非生
非滅而言法性寂滅法性非垢非淨而言法性清
淨是爲對不止而明止也觀三義者貫穿義觀達
義對不觀觀義貫穿義者智慧利用穿滅煩惱大
經云利鏤斷地磐石沙礫直至金剛法華云穿鑿

高原猶見乾土施功不已遂漸至泥此就所破得名立貫穿觀也觀達義者觀智通達契會真如瑞應經云息心達本源故號爲沙門大論云清淨心常一則能見般若此就能觀得名故立觀達觀也對不觀觀者語雖通上意則未殊上兩觀亦通對生苑彌密而論貫穿迷惑昏盲而論觀達此通約智斷相待明觀今別約諦理無明即法性法性即無明無明非觀非不觀而喚無明爲不觀法性亦非觀非不觀而喚法性爲觀如經云法性非明非暗而喚法性爲明第一義空非智非愚而喚第一

義空爲智是爲對不觀而明觀是故止觀各從三義得名

更有絕待會異通三德之文茲不具引

次釋止觀體分三功

次第三止二次第三觀三一心中三止觀次第三止者一體真止止於真諦二方便隨緣止止於俗諦三息二邊分別止止於中道第一義諦體真止者諸法從緣生因緣空無主息心達本源故號爲沙門知因緣假合幻化性虛故名爲體攀緣妄想得空即息空即是真故言體真止方便隨緣止者若二乘同以無言說道斷煩惱入真真則不異但言煩惱與習有盡不盡若二乘體真不須方便普

60 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9

法苑珠林卷之三

薩入假正應行用知空非空故言方便分別藥病
 故言隨緣心安俗諦故名為止經言動止心常一
 亦得證此意也息二邊分別止者生死流動涅槃
 保證皆是偏行不會中道今知俗非俗俗邊寂然
 亦不得非俗空邊寂然名息二邊此三止名雖未
 見經論映望三觀隨義立名釋論云菩薩依隨經
 教為作名字名為法施立名无咎若能尋經得名
 即懸合此意也雲間楞嚴補遺云孤山以大師三
 消今經文則知天台三止有懸
 合矣故止觀云此三止名雖未見經論映望三觀
 隨義立名云云今果得為楞嚴矣今謂圓覺三名
 顯云是定亦唐譯之經彼為寂觀故知三止懸合
 二經矣又準涅槃云善男子為三事故修奢摩他

何等為三一者不放逸故二者莊嚴大智故三者
 得自在故後次為二事故修毘婆舍那何等為三
 一者為觀生死惡果報故二者為增長諸善根故
 三者為破諸煩惱故準此經文止觀各開三義即
 是三止三觀之明文次第對義在止不差故谷響
 欽云涅槃云為三事故修奢摩他此乃止中具三
 之明證也而與阿難所請之三宛若符契然大師
 親見涅槃而不指之者豈非欲使學者自得之乎
 詳此三止與前釋名名髮髯同其相則異同者止
 息止似體真停止止似方便隨緣非止止似息二
 邊其相則別所謂三諦相也前三成次三後一具
 前三何以故如體真止時達因緣假名空無主流
 動惡息是名止息義停心在理正是達於因緣是
 停止義此理即真真即本源源本不當止與不止

法苑珠林卷之三

七

是非止止義此三義共成體真正若方便止時照
假自在散亂無知息是止息義停心假理如淨名
入三昧觀比丘根性分別藥病是停止義假理不
動是非止止義如是三義共成方便隨緣止相也
息二邊分別時生死涅槃二相俱息是止息義入
理般若名爲住緣心中道是停止義此實相理非
止不止是不止止義如此三義共成息二邊止相
故與前未異也亦非今所用也二次第三觀者一
從假入空觀亦名二諦觀二從空入假觀亦名平
等觀三二空觀爲方便得入中道第一義諦觀心

心寂滅自然流入薩婆若海此名出纓絡經今釋
其意假是虛妄俗諦也空是審實真諦也今欲去
俗歸真故言從假入空觀假是入空之詮先須觀
假知假虛妄而得會真故言二諦觀此觀若成則
證一切智也從空入假觀者若住於空與二乘何
異不成佛法不益衆生是故觀空不住於空而入
於假知病識藥應病授藥令得服行故名從空入
假觀而言平等者望前稱平等前破假用空今破
空用假破用既均故言平等觀此觀成時證道種
智二空爲方便者初觀空生死次觀空涅槃此之

二空爲雙遮之方便初觀用空次觀用假此之二
用爲雙照之方便心心歸趣入薩婆若海雙照二
諦也此觀成時證一切種智是爲次第第三觀也此
三觀與前三觀名一徃似同義相則異前貫穿觀
觀諸虛妄似從假入空觀達觀達理理和達事事
和似從空入假不觀觀似中道觀其相異者前是
一諦相今是三諦相又前三通成後三後三具足
前三所以者何如從假入空破四住磐石是貫穿
觀所入之空空即是理智能顯理即觀達觀此之
空理即是非觀觀義如此三義共成入空觀相也

從空入假亦具三義如識假名法破無知障即貫
穿義照假名理分別無謬即觀達義假理常然即
不觀觀義也此之三義共成假觀相也中道之觀
亦具三義空於二邊即貫穿義正入中道即觀達
義中道法性即不觀觀義如此三義共成中道觀
相也三明一心中止觀者依前摩訶衍明三止
三觀之相以義隨相條然各別若論三觀則有權
實淺深若論三智則有優劣前後若論三人則有
諸位大小此則次第分張非今所用也圓頓止觀
相者以止緣於諦則一諦而三諦以諦繫於止則

一止而三止譬如三相在一念心雖一念心而有
三相止諦亦如是所止之法雖一而三能止之心
雖三而一也以觀緣於境則一境而三境以境發
於觀則一觀而三觀如摩醯首羅面上三目雖是
三目而在一面境觀亦如是觀三即一發一即三
不可思議不權不實不劣不前不後不並不
別不大不小故中論云因緣生法即空即假即中
金剛般若云如人有日日光明照見種種色若眼
獨見不應須日若無色者雖有日眼亦無所見如
是三法不異時不相離眼喻於止日喻於觀色喻

於境如是三法不前不後一時論三三中論一亦
復如是若見此義即解圓頓止觀相也何但三一
一三總前諸義皆在一心其相云何體無明顯倒
即是實相之真名體真止如此實相遍一切處隨
緣歷境安心不動名隨緣方便止生苑涅槃靜散
休息名息二邊止體一切諸假悉皆是空空即實
相名入空觀達此空時觀冥中道能知世間生滅
法相如實而見名入假觀如此空慧即是中道無
二無別名中道觀體真之時五住磐石砂礫一切
休息名止息義心緣中道入實相慧名停止義實相

之性即非止非不止義又此一念能穿五住達於
實相實相非觀亦非不觀如此等義但在一念中
不動真際而有種種差別經言善能分別諸法相
於第一義而不動雖多名字蓋是般若之一法佛
說種種名衆名皆圓諸義亦圓相待絕待當體不
可思議不可思議故無有障礙無有障礙故具足
無減是圓頓顯止觀體也孤山云阿難始以三法
爲請既蒙開示至乎領解還以三法而歎於佛故
經云妙湛總持不動尊妙湛即空智也總持即假
智也不動即中智也及佛爲富樓那說如來藏本

妙圓心非心非空即心即空離即離非三諦炳然
如指諸掌及爲阿難說六解一亡而結歎云是名
妙蓮華金剛王寶覺如幻三摩提華開蓮現喻即
中也金剛堅利喻即空也如幻有形喻即假也洎
文殊簡圓通亦以此爲歎故曰阿難汝諦聽我承
佛威力宣說金剛王如幻不思議佛母真三昧但
以佛母喻中道爲異耳其於諸文重重演說一一
破迷或用乎空或談乎假或顯乎中言偏意圓悉
具三法蓋酬阿難三止之請也今謂妙湛總持等
三法亦可作止觀各三名而釋如妙湛及金剛王

等即止息貫穿也總持及如幻等即停止觀達也
不動及妙蓮等即對不止止不觀觀也是則奢摩
他等三隨舉其一皆具妙湛等三義經云此阿毘
達磨禪指超無學此之謂矣惟此圓融故稱爲妙
妙即密也言密因脩證者經云是種種地皆以奢
摩他神諸如來毘婆舍那清淨修證漸次深入故
云密因修證釋顯竟次密者入道場誦持神呪也
經明四種律儀已乃云若有宿習不能滅除汝教
是人一心誦我佛頂光明摩訶悉怛多般怛囉無
上神呪乃至示以結壇之法定以克證之期其爲

行者進脩寂爲詳盡但依經設壇其費大富末世
緣薄鮮能辦之於中所立期限共四等合一百二
十一日後坐禪百日旣云端坐安居則入道之方
依奢摩他以脩大定不俟告而可知矣何前初七
中云至誠頂禮十方如來諸大菩薩阿羅漢號恒
於六時誦呪圍壇至心行道一時常行一百八遍
第二七中一向專心發菩薩願心無間斷我毘柰
耶先有願教第三七中於十二時一向持佛般怛
囉呪云昔吳興岳師嘗教此述脩證儀一卷今
雖蔑聞若依天台諸儀通軌亦略可知惟其行道

誦呪之頃既涉繁動之緣苟不以理觀而導事行
滅罪或難矧夫結壇軌則種種取象言不唐施故
溫陵師等皆取意以明表法所謂法王法言即事
即理也又且神呪秘密唯佛證知乃密詮三諦之
境而稱之爲摩訶悉怛多般怛囉呪心蓋有以焉
是故行者登壇之時必宜事理兼行顯密雙運如
四明師之言三種截法云法雖三種行在一時寧
可闕於前前不得虧於後後無生寂要取相尚寬
蓋妙觀之宗是大乘之主滅障如翻大地草木皆
枯顯德如照澄江森羅盡現以此理觀導乎事行

則一禮一旋罪消塵劫一燈一水福等虛空此蓋
法華三昧之功勳也彼旣如是此亦宜然蓋一心
定慧說於呪先四十四心明於此後理須秉定慧
而持神呪藉顯密以歷聖階矣次了義者褒美此
經所說義無不了也淨名寶積及涅槃等經皆云
依了義不依不了義寶積經舍利弗問何等經中
名爲了義何等經中名不了義佛告舍利弗云若
諸經中宣說世俗名不了義宣說勝義名爲了義
宣說作業煩惱名不了義宣說煩惱業盡名爲了
義宣說厭離生死趣求涅槃名不了義宣說生死

涅槃無二無別名爲了義宣說種種文句差別名
不了義宣說甚深難見難覺名爲了義今經云如
來今日普爲此會宣勝義中真勝義性即寶積宣
說勝義名爲了義也經云入妙莊嚴海圓滿菩提
歸無所得即宣煩惱業盡名爲了義也經云陰入
處界本如來藏即生死涅槃無二無別名爲了義
也經云我以不生不滅合如來藏云云即宣說甚
深難見難解難覺名爲了義也次諸菩薩萬行者
藏通別教皆有菩薩雖可稱諸非今經意今則始
從乾慧終至等覺五十六位階級不等故名爲諸

萬行者即大品般若所說一切佛法諸三昧門所
謂百八三昧五百陀羅尼及諸解脫大慈大悲一
切種智五眼六神通三明八解脫十力四無所畏
十八不共法三十二相八十種好六波羅密三十
七品四弘誓願四無量心如意神通四攝法等諸
法故大品萬行中偈云從初發心至成佛一身一
心一智慧欲爲教化衆生故萬行名字差別異然
此經題雖云萬行而十軸內都不見列一兩種行
名但云有三摩提名大佛頭首楞嚴王具足萬行
是知題中雖稱萬行實不俟乎別修蓋此密因是

首楞嚴定能獲此定則種種萬行法爾現前故南
嶽思大禪師釋萬行云如是無量佛法功德一切
皆從禪生蓋衆生心性本來具足如是佛法故經
云陰入處界本如來藏惟行人修此定時直下照
了具足諸法則無量功德功至自至故昔天台一
時代南嶽講般若若至一心具萬行處忽有所疑思
師因誡之曰如汝疑者乃大品次第意耳未是法
華圓頓旨也吾昔於夏中一念頓證諸法現前吾
既身證不必疑矣以此而知則今經萬行之稱特
是表顯密因之妙故云有三摩提名大佛一**首楞**

嚴王具足萬行也次釋**首楞嚴**者涅槃經云**首楞**
者名一切事竟嚴者名堅一切畢竟而得堅固名
首楞嚴今人釋此名義多分單約定解若然豈大
佛頂等非**首楞嚴**耶矧涅槃經云一切衆生盡有
首楞嚴定**首楞嚴**定亦名般若亦名金剛三昧亦
名師子吼亦名佛性且佛性非大佛頂耶三昧般
若非密因萬行等耶師子吼非了義耶昔孤山師
以教行理三悉號**楞嚴**而釋蓋有旨焉但孤山三
法於經攝義雖足在題主對猶疎今當別約天台
八法一一主對釋之謂教理智斷行位因果蓋大

佛頂者理也如來者果也密因者智也修證者斷
與位也了義者教也諸菩薩者因也萬行者行也
故此八法非唯詮義具足亦乃深合經題釋此爲
二初約八法行布釋次約諸字圓融釋初八法行
布釋爲三初生起二料簡三正釋生起者八種中
教爲能詮故居其首七爲所詮故居其後於七種
中理爲所照屬性智爲能照屬修非所照之理不
能起能照之智故先理次智也智既起已必能斷
惑故第四明斷也惑斷理顯種種萬行由之而生
故次斷說行也智斷行發淺深不同故有位次也

望果德以修因行由因行以克果德智斷行位其
非其事故有第七第八總說因果也二料簡者問
智之與行有何差別答智分因果行唯在因問因
智與行復何差別答若略作教行理說則因智亦
名爲行茲廣明八法則因智三止行名萬行矣問
位次因果有何差別答因果爲能歷位次爲所歷
又位次開說因果因果總說位次也問此八種中
爲各各異爲互通答亦異亦通異如向說通者
如一經總是八法離能詮無所詮離所詮無能詮
故教具七也全理起智無別有智此智能斷離智

無斷理顯行彰行是理行六種卽理名爲位次大乘因果不離實相故理通也智是理智斷是智斷智是首楞具足萬行全理之智雖無淺深淺深宛然雖無因果不離因果故智通也全理之智能斷此惑斷故發行而有淺深不同因果各異故斷通也卽理之智能具萬行智斷彼惑萬行斯顯行顯淺深則有位次因果故行通也六種妙位皆卽於理雖皆卽理六位有殊智爲能歷位爲所歷智斷惑故自淺之深前五爲因後一爲果故位通也實相因果無差而差智斷行位條然有異因果實相

差而無差智斷行位無不卽理故因果通也三正釋者釋此依數爲八先理次智三斷四行五位六因七果至於第八方明教相何故爾耶以教無別體祇是七種能詮之聲色耳若七種理顯卽是教顯後略分別彌爲容易故也於中初明理卽經中所詮三諦理也此三諦理徧在十界依正之上若離此則無所寄經明陰入處界本如來藏此之謂也釋此爲二初堅約十界明三諦次橫約十界明三諦初堅者此之名義出仁王纓絡二經彼云一者有諦二者無諦三者中道第一義諦初有諦者

謂二十五有衆生妄情所見名之爲有如彼情見
審實不虛名之爲諦亦名俗諦虛假凡俗故亦名
世諦涅槃所謂如世人之所見者名爲世諦此以
六凡法界爲俗諦也二無諦者三乘聖人所見真
空之理無名無相故名爲無審實不虛目之爲諦
亦名真諦真實不虛故亦名第一義諦涅槃所謂
如出世人之所見者名第一義諦此以聲聞緣覺
兩法界爲真諦也三中道第一義諦者遮二邊說
名爲中此理虛通無壅無塞稱之爲道家上無過
故名第一深有所以目之爲義諸佛菩薩之所證

見審實不虛命之爲諦故言中道第一義諦此以
佛菩薩兩法界爲中諦也次橫約十界明三諦者
此三諦義出中觀論論云因緣所生法我說即是
空亦名爲假名亦名中道義十法界皆是因緣生
法以佛種從緣故我說即是空十界緣起皆真也
亦名爲假名十界緣起皆俗也亦名中道義十界
緣起皆中也此是橫約十界以詮三諦今釋此二
種三諦爲三初名義整足不整足二理體圓融不
圓融三理體可壞不可壞初義者四教中藏是界
內拙度但詮森羅萬象之俗偏空涅槃之真故稟

教人至於果成灰斷而已界內通教雖名爲巧其所詮者亦只二諦是故稟茲教者同於三藏灰身滅智以爲圓極若界外別教教雖不融而初心亦聞但中之名是故稟茲教者以三心成二觀方便已登於初地得證中道但彼教行歷別而猶未如云而如來藏非心非空非地水火風非眼耳鼻舌身意非色聲香味觸法非眼識界乃至非意識界此所非者即纓絡仁王所謂二十五有妄情所見之俗諦也又云非無明乃至非老死非無明盡

乃至非老死盡非苦集滅道非智非得此所非者即仁王纓絡所謂出世聖人所見之真諦也又云非檀那乃至非股刺若非阿羅訶三藐三菩非大涅槃非常樂我淨此所非者即仁王纓絡所謂諸佛菩薩所見之中道第一義諦也此是十界堅義橫義者如十界佯非此則通以十界爲真諦也云何併非以如來藏本妙圓心體絕情僞故次十界併即此通以十界爲俗諦也云何俱即以如來藏元明心妙性具十界故次離即離非是即非即此通以十界爲中道第一義諦也云何俱即俱非以

如來藏妙明心元雖即二邊而無二邊如異故初
俱非中云本妙圓心乃以心字爲主次俱即云元
明心妙乃以妙字爲主次雙非即云妙明心元乃
以元字爲主心者真空也妙者妙有也元者本元
中道佛性也蓋自一心而觀何有萬法之差故一
切併非而云本妙圓心者猶言即中俗之真也自
萬法俱妙而觀則十界宛然故一切併即而云元
明心妙者猶言即中真之俗也自本元心性而觀
則雙遮二邊真俗俱遣雙照二諦真俗炳然而云
妙明心元者猶言即俗真之中道也又經爾前性

●真空性空真色等清淨本然周徧法界性中也
空真也色俗也並是橫論三諦之義次理體圓融
不圓融者若明二諦之理分界內界外則界內藏
教爲不融以彼徧真理在事外滅色方空故界內
通教理名圓融以言即色是空非色滅空故茲明
三諦彼通教豎義尚未具足况圓融乎故非所辨
今所辨者但對別教爲融不融耳蓋別教豎明中
道之理如雲外月迥出二邊現在真俗不即中道
故須先空次假破有破無此之中理方得分見是
故雖有三諦不稱圓融今經三諦既具二義以橫

融豎則無豎不橫以豎列橫則無橫不豎無橫不豎則三三宛然無豎不橫則皆名一實妙諦三諦俱實只一十界十界絕待獨一妙心斯則復名無諦之諦故說真諦時則十界併非此名一空一切空無有無中而不空以六凡俱非有亦空也二乘俱非空亦空也佛與菩薩俱非中亦空也說俗諦時則十界併即此名一有一切有無空無中而不有以六凡俱即有亦有也二乘俱即空亦有也佛與菩薩俱即中亦有也說中道時則十界俱非破立此名一中一切中無空無有而不中以六凡俱

非破立有亦中也二乘俱非破立空亦中也佛與菩薩俱非破立中亦中也又前性空直色即中真而俗也性色真空即中俗而真也色空並不雜性即真俗而中也是故若言真諦者泯諸法名無相而六凡被泯之且言無相矣二乘既亦泯豈非真非真而真即俗乎佛菩薩既亦泯豈非中非中而中道即真即俗乎真諦者泯情不泯法斯謂矣孰謂真諦無相乎若言俗諦者立諸法是有相而六凡被立之且言有相矣所立二乘真諦者有相乎佛菩薩中道者有相乎俗諦者立法不立情斯謂


美孰謂俗諦有相乎若言中諦者雙遮二邊法是
但中而六九二乘之真俗被遮之且言不即矣佛
菩薩既亦遮豈非中非中而即二邊乎中諦者統
諸法斯謂矣孰謂中道不即乎良由常住真心具
足諸法即此諸法充塞太虛彼彼互具名如來藏
彼彼互遍名無盡燈雖一塵而十界三諦不少雖
刹海而十界三諦不多所謂如搗萬種香爲丸若
燒一塵具足衆氣亦如剖梅檀栴碧玉若多若小
片片皆直故曰九界徒欲言之言則傷其實徒欲
思之思則喪其真所以如來掩室於摩竭淨名杜

口於毘耶法華三請而不說今經委曲而後談胎
經云佛法如大海不說有是非凡夫賢聖人平等
無高下法華云諸法寂滅相不可以言宣又云是
法非思量分別之所能解今經云一切衆生皆由
不知常住真心性淨明體用諸妄想此想不真故
有輪轉皆此謂也此之妙法乃諸佛如來所諦故
經云我以不滅不生合如來藏云云法華云唯佛
與佛乃能究盡諸法實相佛今說之欲令行者全
以此諦爲脩首楞大定之本得此爲本則心心法
界事事圓融常住妙果即法圓成觀音智門當念

具足此所謂以不生不滅爲本脩因而求不生不滅之果者也三可壞不可壞者三藏所詮理在事外要須滅色然後入空此則六凡之俗須壞夫真諦者真必即俗滅色之空非真空也此則二乘之真可壞通教之色雖云即空而未嘗云空即是色以空不即色故必灰身滅智此亦六凡之俗須壞壞俗後真真非畢竟此則二乘之真可壞別教中道旣不即邊離中之邊故須雙遣此則八界真俗皆壞夫中必真俗彼云迥出二邊離邊之中豈是究竟故佛菩薩中道之理可壞問別教真俗不即

中道或云可壞中道佛性豈可壞乎答若論中理實不可壞今言壞者據彼教道所詮耳豈唯別教中道即前三教所有九界真俗若論理體又孰能壞但彼稟教偏小自於夷途作跌好身剝瘡耳故天台云此理灼然世間常住有佛不能益無佛不能損得之不爲高失之不爲下名之爲佛理佛也今經三諦乃是稱此本理而說故真則十界三諦俱非俗則十界三諦俱即中則十界三諦俱非破立真則俱非且言十界三諦可壞俗則俱立中則俱非破立何所言壞乎須知真乃即中俗之真

俗乃即中真之俗非之則法界炳然即之則情謂
 聞爾經文若此孰能誣哉是為理究竟



大佛頂首楞嚴經玄義卷第一 一終

大佛頂首楞嚴經玄義卷第二

天台山幽溪沙門 傳燈 述

次明智究竟者三智也名義出大品般若及釋論
 所謂一切智道種智一切種智欲成此智必籍觀
 因空觀為因證一切智假觀為因證道種智中觀
 為因證一切種智若就理實論則觀之與智皆通
 因果例如佛性通於因果別則因名佛性果名涅
 槃今就別義一往分觀因智果也此之三智在今
 經中因名妙奢摩他三摩禪那若論其果出名則
 有多處如首卷中云無始菩提涅槃元清淨體云

云二卷云此見及緣元是菩提妙淨明體等此皆
即因心以指果德也七卷初地云於大菩提善得
通達此指分證果德也十卷云圓滿菩提歸無所
得此指究竟果德也云云今例前三諦以分二種
一整合十界三諦之三智二橫合十界三諦之三
智初義者釋論明兩種三智初爲易解故分對三
人聲聞對一切智菩薩對道種智佛對一切種智
是則一切智整合聲聞緣覺法界之真諦也道種
智整合六凡法界之俗諦也一切種智整合佛菩
薩法界之中諦也二橫合十界三諦之三智者論

三河楞嚴三卷卷二

二

約三人對三智已復云三智實在—心中得祇—
觀而三觀觀於—諦而三諦一諦三諦與今真則
十界三諦俱非義同一觀三觀與今妙奢摩他三
摩禪那義同諦是智之所諦觀是智之所因既有
所諦之境必有能諦之智既有三止之因必有三
智之果蓋是經文總略但云我以不滅不生合如
來藏耳况不滅即寂滅不生即無生寂滅忍是究
竟三智之總體無生忍是分真三智之總體以此
義例是則應云我以不滅不生一切智合如來藏
之真而十界三諦併非等云云也辨此爲三初名

楞嚴三卷卷二

二

義周足不周足二智體圓融不圓融三名體俱轉
不俱轉初義者藏通二教因既單修空觀果智豈
能周足故釋論唯用一切智以對二乘若別教次
第修乎三觀登於十住空觀成證一切智即釋論
分對聲聞果也登於十行假觀成證道種智即釋
論分對菩薩果也登於初地及妙覺中觀成證一
切種智即釋論分對佛果也如此次第唯是豎合
十界三諦之義耳若今經三智則具足橫豎二義
如我以不滅不生合如來藏真諦則十界三諦併
非非六凡俗諦者一切智也非二乘真諦者道種

智也非佛菩薩中道者一切種智種類知也約豎
義雖有三種望橫義祇是一切智耳以一切併非
爲主故次我以不滅不生合如來藏俗諦則十界
三諦併即即六凡俗諦者道種智也即二乘真諦
者一切智也即佛菩薩中道者一切種智寂滅相
遮二邊也約豎義雖有三種望橫義祇是道種智
耳以一切併即爲主故又次我以不滅不生合如
來藏中道則十界三諦俱非破立六凡俗諦俱非
破中道雙照之道種智也俱非立中道雙照之一
切智也雙俱非破立中道雙遮之一切種智也二

乘真諦俱非破中道雙照之一切智也俱非立中道雙照之道種智也雙俱非破立中道雙遮之一切種智也佛菩薩中道俱非破一切種智雙遮二邊也俱非立一切種智雙照二邊也雙俱非破立一切種智寂滅相種種行類皆知也約豎義雖有三種若望橫義祇是一切種智耳以俱非破立爲主故此則祇一不滅不生合如來藏三諦而橫豎二種三智悉得具足矣二智體圓融不圓融者別教三智但今經三智中之一豎義耳豈足以稱圓融今經三智如上所論若以橫望豎則有三三以


豎望橫仍是一三三三相即三亦無寄一三三三唯是一心故經唯以一不滅不生而當之矣蓋三諦者所合之境也三智者能合之心也諦既即一而三智亦即三而一矣又諦如函底智如函蓋豈唯際畔相當亦乃諦智冥泯泯而無際獨一常心故經云我以不滅不生合如來藏而如來藏唯妙覺明圓照法界天台立境智四句云智照於境境照於智智照於智境照於境並此圓照法界其義善符三名體俱轉不俱轉者前之三教因行既昧性具三觀皆成別修是故至果不唯名轉體亦須

轉今經圓止雖曰一是性具二是修成乃全性起
 修修非別有是故終日修而無修終日作而無作
 蓋以佛之自諦而爲大定之本一一皆全修在性
 故也故天台釋三般若云般若名實慧實相般若
 非寂非照即一切種智文與今禪那寂照不二義
 同又云觀照般若若非寂而寂即一切智文與今奢
 摩他寂靜義同又云方便般若非照而照即道種
 智文與今三摩觀照義同是則今之三智雖從勝
 而受大菩提圓滿菩提等之稱其實體無所轉蓋
 因果皆不異於寂照義故經云是名妙蓮華金剛

王寶覺此其是也是名智究竟

圓融三智合圓融三諦之圖

智照於境
 境照於智
 惟妙覺明
 圓照法界
 智照於智
 境照於境



第三斷究竟者用前三種智慧以斷三惑也一見思惑從解等得名即利鈍十使分品有八十八十一之夥此障真諦理二塵沙惑從所障諦理得名以法門如塵沙之多一一不能了知故此障俗諦理三無明惑不了法界無所明也大分有四十二品此障中諦理此三惑名義在今經中但出見思無明兩惑經云我等今者二障所纏良由不知寂常心性解云煩惱所知名爲二障煩惱障謂根本及隨此即見思惑所知障亦云智障障一切種智故此即無明惑又云一切衆生不成菩提及阿

羅漢皆由客塵煩惱所誤此說見思惑又云清水現前名爲初伏客塵煩惱去泥純水名爲未斷根本無明此說見思無明兩惑又云得須陀洹果已滅三界見所斷惑然猶未知根中虛習彼習要因修所斷得何況此中分劑頭數見修所斷即見思惑分劑頭數即無明惑云云所以經中不言塵沙故煩惱所召生苑亦分段變易而已但此真中遍在十界依正之上即此十界名之爲俗以性具故稱爲諦理故諸佛二障既除二諦理顯神通妙用

皆從此發故得名爲無謀而應華嚴一微塵中出大千經卷此之謂也今經三諦所以不離十界而辨亦是此意若然則惑祇有二何得立三答此有三意一因別人不知性具要須別學是以十住菩薩知所入空未是畢竟乃從空入假於無量劫遍習遍學導利羣品故名塵沙二圓人既知心性本具則一切衆生不唯不見真中二理亦復不得本有妙用障真中者是二惑矣障妙用者豈不又是一惑但圓人不須別破此惑初心直下稱性觀中至於觀成自然而斷故種種法門稱性施設故止

觀云圓教十信六根淨時即能遍見十法界事五品正行六度廣能說法皆是入假之位又初心之人能知如來秘密之藏圓觀三諦尚能即中豈不能即假乎三者例能觀之觀諸經既立有三則所破之惑亦依義立三矣問若諸佛二障除已真中之理方顯神通妙用皆從此發名之爲俗是則先應破見思無明然後斷除塵沙何故塵沙先破方斷無明答若定理而論誠宜破盡無明俗諦之理方究竟顯今破見思惑便言破塵沙顯俗諦者良由見思麤垢先落又侵界外無明麤垢中理雖未

現前俗諦亦得相似而顯化導之功亦得少分無
謀而應菩薩既急在度生即乘此以導利羣品以
此少分見者得名塵沙惑斷俗諦理顯也問見思
以五利五鈍爲體塵沙無明以何爲體答無明無
別體相即以見思爲體但麤細差殊有界內界外
之分故天台云別教三十心斷界內見思伏界外
見思無明十地斷界外見思無明若圓教十信斷
界內見思圓伏界外見思無明發趣初心斷界外
見思無明終至等覺方盡故地持明清淨淨禪云
離一切見清淨淨禪大涅槃云十地菩薩爲無我

見論惑所轉又云十地菩薩雖見佛性而不了了
諸佛如來見於佛性而得了了此皆約見惑盡不
盡故有了了不了了等殊也問界外見思爲只有
四十二品爲更多耶答今言四十二品者以大乘
經論多說分真及究竟有四十二位故大約作此
數耳若論無明重數豈有品量蓋入位轉深能斷
之智轉利於一位中難定斷若干品惑故大師云
後心菩薩無功用道其疾如風一日之間能破無
量品無明惑障何況纓絡經明等覺地於百千萬
劫入重玄門報脩凡夫事乎今例前諦智分二種

斷義一豎斷障十界三諦無明二橫斷障十界三
諦無明辨此爲三初名義全不全二伏斷次不次
三無明斷不斷初義者界內二教旣不詮中道之
理無明名字尚不得聞何況伏斷是故極至果頭
但只豎斷阻二乘真諦見思惑而已若別教所詮
雖名但中能覆之惑別圓不異但彼要至初地纔
破一品極至妙覺破一十二品只成一往豎義非
如圓家橫豎具足登於初住即破無明竟至妙覺
共四十二位須破四十二品方名究竟故今經初
住即能十用涉入圓成一心如是重重單複十二

方盡妙覺也次伏斷次不次者別人修因旣先空
次假後中伏斷之時豈能不次是故至於十信方
伏界內見思十住斷界內見思兼斷界內上品塵
沙十行斷中品塵沙十何斷下品塵沙至此方伏
無明登於初地方破無明是爲豎伏豎斷義也今
經外九即能用一心三智圓伏障十界三諦之惑
故乾慧地中即云欲愛乾枯根境不偶現前殘質
不復續生等經歎彈指超無學亦此意也十種信
心名爲內九界內見思自然先落故初信即云圓
妙開敷從真妙圓重發真妙等云云若登初住斷

一品無明證一分三德十種大果分得現前現十
界身百界作佛故經云是善男子以真方便發此
十心心精發輝十用涉入圓成一心名發心住從
於此去極至妙覺無明轉轉破功德轉轉勝是爲
一斷一切斷也問旣云一斷一切斷云何信位先
斷見思及以塵沙答四教儀云圓人本期不斷見
思及以塵沙意在入住斷無明見佛性雖不期斷
而見思麤垢自然先落譬如冶鐵意在成器器雖
未成麤垢先落雖見先落其人無一念欣心以未
遂所期故故妙玄云同除四住此處爲齊若伏無

明三藏則劣斯則名爲以橫伏豎以豎破橫以橫
伏豎故初心五住頓伏以豎破橫故見思麤垢先
落故阿難問云又此五陰爲併消除爲次第盡如
來答云此五陰元重疊生起生因識有滅從色除
理則頓悟乘悟併消事非頓除因次第盡問若橫
伏亦橫破而言圓勝於別可爾旣橫伏豎破與別
不異又何貴于橫伏乎答若豎伏豎破成功則難
橫伏豎破奏勲則捷如澄濁水愚人則旋取旋澄
故遲迴日久智者總取置一大器雖百千斛日可
頓得以此喻知則圓別勝劣較然矣三無明斷不

斷者別教但明斷無不斷義以常住佛性名爲但
中生宛煩惱皆非性具故空觀破見思已六凡法
界隨壞假觀破塵沙已二乘法界隨壞中觀破無
明已已界菩薩亦壞至於果地自謂蕭然是爲緣
理斷九非今所論今之圓教則具斯二義謂亦斷
亦不斷言不斷者以圓人悟一切法皆是性具離
菩提無煩惱離煩惱無菩提煩惱不能障菩提菩
提不能破煩惱故淨名云佛爲增上慢人說斷婬
怒癡名爲解脫無增上慢者婬怒癡名爲解脫無
行經云婬怒即是道又云六十二見爲如來種即

六根六塵而無限闕只眼中見色亦眼中入三解
脫門華嚴明十眼乃至六眼皆明於一塵中具十
方三世諸佛八相成佛轉法輪度衆生等事涅槃
云誰有智慧誰有煩惱而言毘婆舍那能破煩惱
今經云五陰六入本如來藏常住妙明又彰自證
中十界苦集皆即元明心妙此等諸經皆說不斷
而明了也言斷者前不斷之言蓋約至理虛玄無
明體相本自不有以閑衆生之情計耳究論成佛
何處有天生彌勒自然釋迦且淨名云若無增上
慢人婬怒癡即是解脫者今人誰無增上慢乎若

不增上慢者終不應言已即是佛何以故於婬怒癡未得蕭然無累故六根六塵亦未得無限闕故亦不能如華嚴於一塵中成佛轉法輪故須知諸經言即者理即也若不知此即空所由而妄生取著所謂鼠御鳥空矣故華嚴等諸大乘經皆明歷位修行斷惑之相涅槃云暗時無明時明時無暗時有煩惱時則無智慧有智慧時則無煩惱今經云如澄濁水貯於靜器靜深不動沙土自沉清水現前名爲初伏客塵煩惱去泥純水名爲未斷根本無明又云汝勗修行欲得菩提要除三惑又云

三緣斷故三因不生心中達多任性自敬敬即菩提不從人得此則名爲不斷而斷斷而不斷不斷而斷故十界三諦併非斷而不斷故十界三諦併即斷與不斷兩義俱時故十界三諦俱非破立故寂調音天子問文殊師利言寶相如來世界以何說法仁者樂彼答云彼所說法不爲生貪欲故不爲盡貪欲故不爲生嗔恚故不爲盡嗔恚故不爲生愚癡故不爲盡愚癡故不爲生煩惱故不爲盡煩惱故所以者何夫法本無生則無有盡此即不斷而斷斷而不斷之誠證也是名斷究竟

次明行等究竟者問前理智斷三法皆論橫豎二
義後行位因果中亦得例否答約義皆有如初心
修首楞大定以三智合三諦達此一境具足萬行
至於初發心住萬行於一心中發此即橫也初住
二住至於等妙所發萬行分極不同此即豎也五
十五位以分六即六不妨即橫也即不妨六豎也
大乘因果皆是實相橫也實相體通因果宛然豎
也今先明行究竟題中諸菩薩萬行經中三摩提
具足萬行也經題經首總標雖爾洎乎下文未嘗
略言萬行具足之義然則具足之義果何似乎今

以義求不出有三曰本有爲具該攝爲具積聚爲
具也初本有者衆生心性法爾具足過恒河沙性
功德故如天台釋天行云即是第一義天天然之
理理由行顯因理成行故名理爲天行次該攝者
但修首楞大定即能該攝萬行天台所謂若巧修
止觀即能一心具足萬行美次積聚者衆生曠劫
以來所有善本皆積聚於如來藏中若入深位即
得顯現故天台明圓教初住發三種心中緣因開
發云衆生無量劫來所有低頭合掌彈指散華發
菩提心慈悲誓願勤行六度等一切善根一時開

發具足萬行諸波羅密是也今經既云有三摩提
具足萬行此則正當第二該攝爲義雖是該攝一
必具三以依圓理而修大定故曠劫善根因之而
發故故天台明三因佛性正因是一性緣了屬二
修雖是一性全性起修雖屬二修非適今有言正
必具緣了言了必具正緣言緣必具了正舉一即
三言三即一不縱不橫是妙三因今之萬行雖是
緣因既是妙緣必具三義初本有即正因也次該
攝即了因也次積聚即緣因也雖說具三若望理
三及以智三今三但是一中之三前之二三望今

三摩提義卷二

三

之三亦各唯是一中之三故前理智及今萬行以
三因分之理中雖名三諦但屬正因智中雖名三
智但屬了因行中雖具三義但屬緣因是則雖有
三三只是一三但三不定三而三三宛然故此三
因在中諦中智本有名正因是真实性妙境在真諦
空智該攝名了因是觀照如智在俗諦假智積聚
名緣因是資成圓行此則萬行中本有之義在理
爲俗諦該攝之義在智爲三摩積聚之義在今爲
萬行而經言有三摩提名大佛頂首楞嚴王具足
萬行又甚相當於此義矣今辨此爲三初名義全

三摩提義卷二

三

不全二理體具不具三顯發次不次初義者藏通
二教雖有菩薩其所莊嚴但是事理兩種六度而
百八三昧等萬行尚不聞名何況修習若別教菩
薩諸大乘經皆明經切修行萬行及今圓經題目
經文皆總說萬行是則別圓二教萬行名義俱名
整足但理體具足及不具足有異耳蓋別人所修
空假以非中故尚不云一三相即况云具足萬行
既不能一行一切行是故要須經劫一一歷別次
第修習今經既云有三摩提具足萬行此則豈唯
一行一切行亦且無煩別修但能得此首楞大定

則一切諸三昧皆從禪定生矣言顯發次不次者
大品般若明兩種萬行今經純圓唯是一種但萬
行名義佛說雖爾次及不次唯證乃知證之之位
復有真似似位而證者如南嶽自言一夏親證是
也真位而證者如智者明初住緣因善心開發云
一切善根登於初住一時顯現一心具足萬行諸
波羅密乃至即是住大慈大悲十力四無所畏十
八不共四無礙智大悲三念六神通四攝法波羅
密一切三昧陀羅尼等此乃圓教一心具足一時
頓證非比別教行向出假位中次第修證之義是

爲行究竟

第五位究竟者修行所歷淺深階級也有人言頓悟即佛無復位次之殊引思益云如此學人不從一地至一地又有師言頓悟初心即究竟圓極而有諸位次者是化鈍根方便立淺深之名耳引楞伽云初地即二地二地即三地寂滅真如有何位次天台云今謂諸說悉是偏取然平等法界尚不論悟與不悟孰辨淺深而今旣得論悟與不悟何妨論於淺深究竟大乘無過華嚴大集大法華雖明法界平等無說無示而菩薩行位終自炳然

普賢觀經云大乘因者諸法實相是大乘果者諸法實相是雖俱實相因果歷然若有因果即有淺深不得一向云無位次也今辨此爲三初名義圓足不圓足二位次相即不相即三位次超入不超入初義者藏有七賢四果聲聞辟支菩薩佛果共一十位一十五位通有乾慧及辟支菩薩佛果共一十位此是界內巧拙之位比於今經豈唯證殊亦乃名異若纓絡經明五十二位一十信二十住三十行四十向五十地六等覺七妙覺仁王明五十一位五與前同合等妙二覺爲一佛地故云三賢十聖

住果報唯佛一人居淨土今經五十二位名同纓
絡但於十信之前更立乾慧於十向中更開四種
加行共五十七位而經云五十五位眞菩提路者
若溪所謂乾慧非眞妙覺非路也此則三經位次
莫不大同但彼兼別多諸委曲非若今經心言直
故乃至始終地位無委曲相也二明位次相即不
相即爲二初正明相即不相即次約六即以判今
位初義者天台大師於四教四念處中一一皆辨
六即之相故四念處問云大乘生死即涅槃得有
理即乃至究竟三藏等亦得作六即判否答欲作

亦得如三乘同有偏眞之理是理即三藏中習學
名字語言是名字即五停心別總念處是觀行即
四善根是相似即苦忍眞明至九無礙道是分眞
即二十四心斷煩惱及習氣是究竟即乃至通別
圓六即云云問若四教皆有六即則偏圓大小之
道胡以區別答三教皆判六即此蓋名同義異之
說若以偏圓大小之義而定此名能使纖毫不濫
如爾雅訓即者合也若依此訓似如兩物相合名
之爲即今圓教即名不依此訓但約義解謂即者
是也直下便是名之爲即是則前之三教皆稱即

者正如爾雅所訓兩物相合名之爲即非同今之
生苑煩惱直下便是涅槃菩提也今當更立四句
以揀此義度俾始學不濫教旨一即而不六二六
而不即三亦六亦即四非六非即即而不六者凡
夫所謂由諸衆生遺此本明雖終日行而不自覺
枉入諸趣故六而不即者藏通別三教所謂不知
二種根本錯亂修習不能得成無上菩提故亦六
亦即者今經五十五位所謂是種種地皆以金剛
觀察如勾十種深喻奢摩他中用諸如來毘婆舍
那清淨修證故非六非即者如來所謂入妙莊嚴

海圓滿菩提歸無所得故次約六即以判今位者
此之即義出淨名經大士呵彌勒云佛知一切衆
生即涅槃相不可復滅一切衆生即菩提相不可
復得故天台約煩惱即菩提生死即涅槃以明六
即之義是則能即者煩惱生死所即者菩提涅槃
煩惱生死以何義故即是菩提涅槃此義須約十
界修性善惡言之方見的旨如本有佛界名爲性
善本有九界名爲性惡緣起佛界名爲修善緣起
九界名爲修惡性之善惡不可異趣同是一切種
智性淨涅槃修之善惡旣名緣起善惡須分九界

修惡名煩惱生死佛界修善名二種修成菩提涅槃即一切智道種智菩提圓淨方便淨涅槃也是則淨名之云即者乃九界修惡當體即是性惡性惡融通無法不趣任運攝得佛界性善以全性起修全修在性如全水爲波波還即水故云煩惱即菩提生死即涅槃故天台解淨名經明六即則云生死即涅槃等理即也能如此解與修多羅合名字即也云云至解觀經佛字則云理即佛名字即佛云云解金光明經則云理即金光明云云乃至理即三道三識等十種三法六即云云此即妙宗

所謂六即之義不專在佛一切假實三乘人天下至瑯嶼地獄色心皆須六即辨其初後以論十界皆理性故無非法界一不可改故名字去不唯顯佛九亦同彰至於果成十皆究竟然則今經圓位六即於天台諸判必何所屬若依經首示二種根本云一者無始生死根本則汝今者與諸衆生用攀緣心爲自性者二者無始菩提涅槃元清淨體則汝今者識精元明能生諸緣緣所遺者又云此見及緣元是菩提妙淨明體又云一切世間諸所有物皆即菩提妙明元心斯則正與淨名生死即

涅槃等宛合及乎如來彰自證三諦則遍歷十界
而云而如來藏元明心妙即心即空乃至即常樂
我淨斯又與妙宗至於果成十皆究竟宛合是故
此經六即於智者諸判無斯不在今高言約義盡
唯取如來藏判之蓋一經所明十界迷悟因果曾
不外乎如來藏故也明此爲六初理即如來藏二
名字即如來藏乃至第六究竟即如來藏初理即
如來藏者自徵心辨見去訖于四卷發明圓理無
非理即如來藏義若就文便以陰入處界本如來
藏之文判作理即其義彌顯陰入處界雖三諦中

文局六九義實通乎十界以界外有法性五陰等
故如來藏依寶積經則有其三所謂一空如來藏
離不解脫一切煩惱二不空如來藏具河沙不思
議法三空不空如來藏隨爲色空普應一切今經
雖單云如來藏而第四卷中則備出三義如云而
如來藏本妙元心非心非空等此空如來藏也即
如來藏元明心妙即心即空等此不空如來藏也
即如來藏妙明心元離即離非是即非即此空不
空如來藏也言本如來藏者謂聖凡色心本來圓
淨與如來藏平等無差大師所謂此是圓智圓覺

諸法遍一切處無不明了雖五無間皆解脫相雖昏盲倒惑其理存焉斯理灼然世間常住無佛不能損有佛不能益得之不爲高失之不爲下故曰陰入處界本如來藏今更釋其義經言性色真空此陰入處界本空如來藏也性空真色此陰入處界本空如來藏也清淨本然周遍法界此陰入處界本空如來藏也以本代即其義彌顯二名字即如來藏者修德之始聞前理性能詮名也然有收簡收則耳歷法音不問明昧異全不聞俱在此位簡則未得圓聞齊別內允尚屬理即以七

方便未解首楞嚴究竟之名故不知如來藏常住之理經云一切衆生生死相續皆由不知常住真心此之謂也三觀行即如來藏者經云汝今修證佛三摩地於是本因元所亂想立三漸次方得除滅云云三漸次者一者修習除其助因二者真修剝其正性三者增進違其現業此乃名字昇進之位不獨解名又能修觀但未入品非觀行位若此三種修之不已近能伏五住而入乾慧遠能破三惑以登真似故經云因不流逸旋元自歸塵既不緣根無所偶返流全一六用不行云云乃至是人

即獲無生法恐然三漸次中除助因剗正性經固
明言矣且第三違其現業果以何法而違之乎須
知違之之法散在一經括而行之正在乎此夫一
經所詮者解行證也解喻如目行喻如足目足相
假能到涼池故天台大師釋法華先演十妙爲玄
義以開圓解次立十乘爲止觀以明圓行推此二
途目足備矣今做彼意取一經所詮八法以釋首
楞雖曰行之與證亦在其中然於行門修造之法
猶未大備故須復採所詮例立十乘以爲違現業
入地位之本其中名義或與八法多有肖類然彼

詳此略意不徒然言十乘者第一觀不思議境第
二真正發菩提心第三善巧安心止觀第四破法
遍第五識通塞第六道品調適第七對治助開第
八知次位第九能安忍第十離順道法愛此十乘
法於今經中文義甚備若構空心立似難取信於
人故節節須引成文出之於先然後援經以爲證
據亦所以彰天台建立名言善符於此經之深旨
也○第一觀不思議境者止觀大意云境爲所觀
觀爲能觀所觀者何謂陰入處界不出色心色從
心造全體是心故經云三界無別法唯是一心作

文此經云陰入處界本如來藏妙真如性云云又云此之能造具足諸法若漏無漏非漏非無漏等若因若果非因非果等故經云心佛及衆生是三無差別文此經明如來藏十界俱非俱即俱非破立等皆此義也又云衆生理具諸佛已成成之與具莫不性等謂一一心中一切心一一塵中一切塵一一心中一切塵一一塵中一切心一一心中一切刹一一刹塵亦復然文此經云如來藏中性色真空性空真色清淨本然周徧法界七大之性莫不咸爾前五大塵也後二大心也此是衆生理

具一一心中一切塵等下云一中無量無量中一小中現大大中現小一微塵裏轉大法輪於一毛端現寶王刹此是諸佛已成一一心中一切心等迷悟因果同一如來藏性即成之與理莫不性等也又云諸法諸塵諸刹身其體宛然無自性無性本來隨物變所以相入事恒分故我身心塵刹遍諸佛衆生亦復然文此經云汝以生滅之心合如來藏而如來藏隨爲色空周遍法界我以不滅不生合如來藏而如來藏惟妙覺明圓照法界會文可知又云一身土體恒同何妨心佛衆生異異

故分於染淨緣緣體本空空不空文此經明三諦
中以由異故十界俱即以由同故十界俱非空故
故云性色真空不空故云性空真色又云三諦三
觀三非三三一三無所寄諦觀名別體復同是
故能所二非二文此經三諦同一如來藏故諦三
非三妙奢摩他三摩禪那故觀三非三全如來藏
起於三止全三止在於三諦所謂惟妙覺明圓照
法界故體同非二也又云如是觀者名觀生死即
涅槃煩惱即菩提文此經陰入處界即生死煩惱
本如來藏故即涅槃菩提我以妙明不滅不生合

如來藏即觀生死即涅槃煩惱即菩提也下去九
乘皆用此句以爲綱格○第二真正發菩提心者
起無緣慈悲發四弘誓願也知涅槃即生死此苦
可度未度苦者我今度之故誓云衆生無邊誓願
度此依苦諦境發知菩提即煩惱此集可解未解
集者我今解之故誓云煩惱無數誓願斷此依集
諦境發知煩惱即菩提此道易安未安道者我今
安之故誓云法門無量誓願學此依道諦境發知
生死即涅槃此滅易得未得滅者我今得之故誓
云佛道無上誓願成此依滅諦境發如是慈悲無

緣無念普覆一切猶如大雲不加功用如磁石吸針是名真正發菩提心文此經當機悟如來藏不思議境已乃說偈讚佛并發誓云願今得果成寶王還度如是恒沙衆又云五濁惡世普先入如一衆生未成佛終不於此取泥洹成寶王即佛道誓成一願攝得法門誓學必學法門而後得果故還度沙衆即衆生誓度一願攝得煩惱誓斷必斷煩惱方能度生故當機既悟陰入處界本如來藏已而發此願即真正發菩提心也但發此誓位有深淺若肇論云發僧那於始心終大悲於赴難此名

字位發心也仁王云十善菩薩發大心長別三界苦輪海此相似位發心也華嚴云初發心時便成正覺此分證位發心也今當機所發位在分真縱非分真亦登相似矣○第三善巧安心止觀者初乘名上求次乘名下化乘何等法向上何下所謂善修止觀觀生死即涅槃生死心息祇此心性名大涅槃深禪窟穴即善修止也觀煩惱即菩提煩惱心破只此心性名實相智慧即善修觀也如陰陽調適萬物長成若巧修止觀即能一心具足萬行法華云定慧力莊嚴以此度衆生豈非乘止觀

而上軌下化手故名善巧安心止觀文此經正宗
之始殷勤啓請一心止觀首楞大定天如云雖以
大定爲請然如來下文所示別無其方始則決擇
真妄次則真妄和融乃至第四卷中皆是發明圓
理而已蓋此圓理乃大定之本也圓理即陰入處
界本如來藏依此圓理以修大定與觀生苑即涅
槃等義同而云善修止觀即能一心具足萬行又
與此經有三摩提具足萬行宛若符契也○第四
破法遍者前乘止觀向上向下向上應得果向下
應得度今不果不度何物爲妨蓋破法有所不遍

也又須研生苑即涅槃橫破十法界梗塞研煩惱
即菩提豎破十法界梗塞本不即十法那忽即十
法是故須破本不離十法那忽離十法是故須破
不即不離菩提道成譬如轉輪聖王能破一切強
敵亦不有所破般若波羅密亦復如是能破一切
亦不有所破也文此經云我以不滅不生合如來
藏而如來藏非心非空等十界豈非不即十法那
忽即十法是故須破耶又云而如來藏即心即空
等十界豈非不離十法那忽離十法是故須破耶
又云而如來藏離即離非是即非即豈非不即不

離菩提道成耶若云此是如來果地之事非關因
心破法遍者云何合下文若於因地以生滅心爲
本修因而求佛乘不生不滅之果無有是處之語
乎請以理求弗以情闕可也○第五識通塞者三
觀破法旣遍此心應與理會那猶不會當更細檢
一切諸法中皆有安樂性那忽併破一切諸法中
皆是魔羅網那忽併取須明識通塞若迷生死非
涅槃迷煩惱非菩提則十界俱塞若達生死即涅
槃達煩惱即菩提則十界俱通故名識通塞文此
經云汝以色空相傾相奪於如來藏而如來藏隨

爲色空周遍法界此由迷生死煩惱即涅槃菩提
故以煩惱生死色空相傾相奪致十界俱塞亦是
不解一切諸法中皆是魔羅網而皆併取之過也
又云我以不滅不生合如來藏而如來藏唯妙覺
明圓照法界此即達生死煩惱即涅槃菩提故十
界俱通亦是悟一切諸法中皆有安樂性而不併
破之功也又十界三諦俱非俱即等皆不併取併
破之義又知見立知即無明本即通而塞也知見
無見斯即涅槃即塞而通也爲物所轉故於是中
觀大觀小即通而塞也若能轉物即同如來即塞

而通也○第六善修道品者行者既識通塞云何於坦途中而修道品當觀身不淨即不淨修於淨非淨非不淨乃至即無常修於常非常非無常此是非榮非枯於其中間入於涅槃乃至種種道品亦復如是涅槃經云從初發心常觀涅槃行道具百句解脫名百勦金煩惱即菩提名爲首楞嚴三昧修治於心猶如虛空亦名二十五有王三昧是名善修道品文此經云有三摩提名大佛頂首楞嚴王具足萬行正是觀煩惱即菩提提名首楞嚴三昧修治於心等云云之意也○第七對治助開者

既善修道品必能流入三解脱門若未入而難起方救他而難起云何對治若慳敵難起當觀慳即菩提受不受亦受亦不受乃至五不受不受即檀檀即法界檀義含於六資生無畏法此中一二三餘敵亦如是又對治轉治不轉治等云云是名對治助開文此經先說一心定慧中明四種律儀三學既備餘度在其中矣尚云具足萬行况六度乎又若婬敵宿習難防佛令專誦神呪此又對治之勝法也婬敵難防誦呪既能除滅餘敵輕薄藉神力以銷鎔冢爲容易是故行者若敵難起時宜好

取意用度對治其或守文封意不識變通而飽傷
甘露斯則名爲欲退齡而弱喪矣可不慎哉○第
八善知次位者行人若不識位次則有未得謂得
未證謂證增上慢之失當知生死即涅槃理即也
能如此解與修多羅合文字涅槃也所觀合文經
文合觀觀行涅槃也見思初破六根清淨相以涅
槃也智齊諸佛斷同大覺究竟涅槃也當自觀察
籌量今所得者於六即中屬何位次慎勿撫臆論
心欺自欺他是名善知位次文今經所明位次即
其事也○第九安忍成就者行人行道時熟未熟

多動障難每須安忍若知生死即涅槃即不爲陰
入處境界病患境界業相境界魔事境界禪心境二乘境
菩薩境得便若知煩惱即菩提即不爲煩惱境諸
見境增上慢境得便能忍此無作苦集則生死不
能羅煩惱不能染十法界見愛皆爲侍者分段變
易以爲給使是名安忍成就文此經明陰入處界
本如來藏即陰入境界十習因六交報并諸天等
即業相境界無色界天即禪心境二乘境亦在其
中又識陰後二種亦二乘境又攝得菩薩境五十
種陰魔通是魔事境煩惱諸見增上慢亦在其中

唯病患一境不出大歸一經一論所明諸境雖數
有存略要之皆不出生死煩惱如諸見煩惱上慢
屬煩惱其餘皆屬生死故天台安忍之法唯云達
生死煩惱即涅槃菩提則不為諸境羅染今經則
云成就破亂由汝心中五陰主人主人若迷客得
其便當處禪那覺悟無咎則彼魔事無奈汝何當
處禪那即天台觀生死即涅槃也亦首楞三昧經
云知魔界如佛界如一如無二如之謂也○第十
離法愛者既能修前諸乘又能安於強軟必與法
性有所相應於此若生愛著住而不前是為將登

而前將過而墜豈不大失故云涅槃即生死貪著
涅槃故生死即涅槃進而不退故是故當觀生死
即涅槃生一切禪定三昧種種功德觀煩惱即菩
提生諸陀羅尼四無所畏十八不共四無礙智一
切種智等佛法若能如是是名順愛不生而生般
若故云離法愛文此經云眾生狂迷不自付量逢
此現前各以所愛先習迷心而自休息將為畢竟
所歸寧地自言滿足無上菩提聲聞緣覺不成增
進汝等存心乘如來道將此法門於我滅後傳示
末世普令眾生覺了斯義令其身心入佛知見從

始至終不遭邪岐乃至入妙莊嚴海圓滿菩提歸
無所得是爲離順道法愛也大師云此十重法橫
豎收束微妙精巧初則簡境真箇中則正助相添
後則安忍無著意圓法巧該括周備規矩初心將
送行者至彼薩雲非闇證禪師文字法師所能知
也譬如毘首羯磨造得勝堂不踈不密間隙容綻
巍巍昂昂峙於上天非拙匠所能揆則又如善畫
圖其庄廓寫像偁真骨法精巧生氣飛動豈填彩
人所能點綴云云若欲周知當啓摩訶止觀知彼
則知此知此經然後以知如來及智者矣此法修

之始於名字成之登於觀行觀行即五品也此經
名乾慧地經云執心虛明純是智慧慧性明圓筌
十方界乾有其慧名乾慧地蓋以不思議觀觀不
思議境達陰入處界本如來藏人法二執了無實
性故云執心虛明純是智慧而如來藏惟妙覺明
圓照法界故云慧性明圓筌十方界此皆圓伏五
住觀行即如來藏初成之相所謂欲愛初乾未與
如來法流水接也第三相似即如來藏者十信位
也言相似者觀空如來藏得相似相應觀不空如
來藏得相似相應觀空不空如來藏得相似相應

天台云相似者二物相類如鑰似金若瓜比匏猶
火先煖涉海初平水性至冷飲者乃知渴不掘井
聽說何爲略舉其要如法華六根清淨卽是其相
其位有十一信心二念心乃至第十願心天台於
法華圓位十信以十乘對纓絡經別住十心云以
修平等法界卽入信心善修慈愍卽入念心乃至
善修無著卽入願心此約堅對故以一乘對一信
若橫論者一一信中皆具十乘故纓絡經云一信
有十十信有百百法爲一切法之根本也荆溪云
一一信中言善修者由緣實行於五悔策勤精

進至第五品得入十信名爲善修由善修故相似
解起是故十法在相似位轉名信心乃至願心亦
復如是何者不思議境以信爲本慈悲弘誓藉念
力持心安止觀功由精進破於三惑由決定力於
通無塞方稱妙慧元修道品爲求不退正助無闕
回因向果不濫位次方能護法內外不動由善防
非於法無愛由大願力故得至此名爲信心乃至
願心十法旣許初心具修當知信信皆具十法是
則十信有百明矣普賢觀經無生忍前有十境界
卽此位也入此十信能破界內見思又破界外塵

沙及伏無明住地之惑初信云一切妄想滅盡無餘此之謂也第五分真即如來藏者亦名分證即分破無明分證真理也除四加行共四十一位謂下住十行十回何十地等覺此四十一位既俱稱分真是則位位具諸位功德分分皆真也大品明四十二字語等字等若聞阿字門則解一切義所謂諸法初不生故乃至第四十二茶字入諸邊境不終不生過茶無字可說一一字皆入四十二字四十二字皆入一字南嶽師云何必不表四十二位以圓初住獲無生忍與阿字初不生義同妙覺

終窮究竟與茶字不終不生義同位位具諸位功德與一字入多字多字入一字義同故華嚴云從初地具足諸地功德今準此義但略解初發心住所證功德以明分真之義諸位功德例此可知初發心住者仁王云入理般若名之爲住所謂以不住法住秘藏中天台釋此大略有二一明入住之因二明發心之相入住之因者如妙玄云以從相似十信能入十住真中智也發心之相者初發心時有三種心發一緣因善心發即是住不思議解脫首楞嚴定二了因慧心發即是住摩訶般若畢

竟之空三正因理心發即是住實相法身中道第一義舉要言之即是住三德一切佛法又住清淨圓滿菩提心無緣慈悲無作誓願普覆法界又住一念中成就一切萬行諸波羅密又住一切種智圓斷法界見思無明又住得佛眼圓見十法界三諦之法又住圓入一切法門所謂二十五有三昧冥益衆生又住菩薩圓滿業能顯一切神通謂三輪不思議化彌滿法界顯益衆生又能成就開權顯實入一乘道又能嚴淨一切佛土能起三業供養一切十方佛得圓滿陀羅尼受持一切佛法如

雲持雨又住能從一地具足諸地功德心心寂滅自然流入薩婆若海荆溪云證不思議名住一切佛法證三種菩提名住慈悲普覆證寂照止觀名住一心三智證破三惑名住一切種智證證無作道品名住法身冥益證助道萬行名住神通顯益證圓門實位名住開顯二乘證安忍內外名住嚴淨佛土證無諸法愛名住諸地功德此初住證轉似爲真也此經云是善男子以真方便發此十心心精發輝十用涉入圓成一心名發心住十心前十之十信心也言以真方便發此十心者正天台明

十住之因以從相似十信能入真中智也心精發
輝十用涉入圓成一心者正天台明發心之相轉
似爲真發十種德也然此初住文猶總略若一一
顯示其相當如觀音所叙經云生滅滅已寂滅現
前即是住三德一切佛法經云十方圓明獲二殊
勝一者上合十方諸佛本妙覺心與佛如來同一
慈力二者下合十方一切六道衆生同一悲仰即
是住清淨圓滿菩提心無緣慈悲無作誓願音覆
法界亦是住得佛眼圓見十法界三諦之法經云
忽然超越世出世間即是住一切種智圓斷法界

見思無明經云與佛同慈力故令我身成三十二
應入國土身即是住菩薩圓滿業能顯一切神通
三輪不思議化彌滿法界顯益衆生經云與衆生
同悲力故今諸衆生於我身心獲十四無畏功德
即是住圓入一切法門二十五有三昧冥益衆生
經云不動道場涉入世間不壞世界能遍十方供
養微塵諸佛如來又云六根圓明明照無二含十
方界立大圓鏡空如來藏承順十方如來秘密法
門受領無失即是住能嚴淨一切佛土能起三業
供養如來得圓滿陀羅尼受持一切佛法如雲持

三不摩地者
雨經云若諸菩薩入三摩地進修無漏勝解現圓
我現佛身而爲說法今其解脫即是能成就開權
顯實入一乘道總前功德即是能從一地具足諸
地功德心心寂滅自然流入薩婆若海亦是住一
念中成就一切萬行諸波羅密但觀音所證不局
初住然亦不妨以初住解釋初住既爾下去三觀
現前無功用心斷法界無量品無明所有功德不
可稱計大分略爲十品智斷明十住位也如經次
十行者即於佛性第一義諦無漏真明一心具一
切行念念進趣流入平等法界破十品無明成十

品智斷一切諸行波羅密不可思議增長出生自
行化他功德與虛空等故名十行如經三十回向
者無功用不思議無漏真明念念開發增長一切
法界願行事理和融心心寂滅自然回入平等法
界薩婆若海又進破十品無明證十品智斷故名
十回向如經四十地者無漏真明入無功用道猶
如大地能生一切佛法能荷負法界眾生普入三
世佛地廣大如法界究竟如虛空又進破十品無
明成就十品智斷約此以明十地也如經五等覺
者觀達無始無明源底邊際智滿畢竟清淨斷寂

後窮源微細無明登中道山頂與無明父母別是
名有所斷者名有上士如經此上四十一位同名
分真即如來藏也第六究竟即如來藏者第四十
二妙覺位究竟解脫無上佛智故言無所斷者名
無上士此即三德不縱不橫究竟後心大涅槃也
一切大理天誓願大莊嚴大智斷大徧知大道大
用大權實大利益大無住大即是前十觀成乘圓
極竟在於佛過茶無字可說故盧舍那佛名爲淨
滿一切皆滿也荆溪云妙覺位中名大涅槃十法
至此俱名爲大是故文云御車達到猶名爲車自

爾已前雖具諸法未究竟顯不名爲大雖有慈悲
爲無明隔故不名大雖常寂照所嚴未窮能嚴非
大雖破三惑智未周窮故智非大雖知通塞塞仍
未盡故知非大雖得道品道未至極故道非大雖
用正助正行未滿故用非大雖復開權理未窮終
故開非大雖忍二邊猶有餘惑故益非大雖不著
故位非大是故妙覺十皆名大名究竟乘今經首
題稱爲大佛蓋此謂也是名究竟即如來藏三位
次超入不超入者此六即所判之位一往約鈍根
位不躐等故作此五十七翻修證智斷若利根捷
智自有一生超入十地等覺後心者亦未必定拘

此限故經云如是乃超十信十住十行十回何四
加行菩薩所行金剛十地等覺圓明入於如來妙
莊嚴海圓滿菩提歸無所得又前之三教教教俱
有超不超之異以分利鈍但偏小與今為異耳是
名位究竟

比丘正氣助銀壹兩 廣清捌錢 正言參錢
正清伍錢 妙心 圓慧 正行 名助銀參錢
正文

大佛頂首楞嚴經女義卷第二終



キノ冊七

